

誠意伯劉先生文集犁眉公集卷之十六

詩

侍宴鍾山應

制

時蘭州方奏捷



清和天氣雨晴時  
翠麥黃花夾路岐  
萬里玉關馳露布  
九霄金闕絢雲旗  
龍文騶裏驂鸞輅  
馬乳蒲萄入羽旌  
衰老自慚無補報  
叨陪儀鳳侍瑤池

御柳二首

御柳青青蔭綠池  
迎春擢秀不違時  
皇恩天地同生育  
雨露無私爾最知  
漫漫春風入舜韶  
綠楊舒葉乳鶯調  
君王不為娛聲色  
無用辛勤學舞腰



秋懷八首

東風吹晨霞初日垂白足濕烟屯簷棟飛雨鳴樸撇殿  
厭葉就黃萋萋草還綠索居謝喧囂庭絕車馬躅念來  
多所懷追往不可復嬾隨老共至病與年相促省躬慚  
寡尤守分無望福駑駘立阜樞敢慕騏驎逐

秋熱喜稍退秋雨又成霖滄涓屋溜瀉汨汨街泥深清  
寒中筋骨濕氣薄衣襟晤言靡與同孤坐難為心俯視  
青苔積仰睇玄雲陰弱質昧聞道乃為憂所侵冥冥至  
終夕悄悄成孤吟

空堦日走穴蟻荒堦啖巢鵲陰氛方騰達密雨已彌漫沉  
沉翳光景昧昧感昏旦林鴉濕休飛簷雀飢相喚跬步

隔闕河四望空慙歎懷衣裳單戚戚歲年晏微生如  
石火徒勞暫時煥永寤爛柯人萬事一夢幻

清晨啓扉坐微風動游龍離離墻上花切切砌下蛩嚶  
嚶自成音灼灼各有容四序迭推移衰病情所鍾身羸  
足已弱有願不得從愧負天地生愴恨填心膺

蟋蟀已在宇鴻鴈方來賓天秋風露寒陰谷何時春欲  
為商聲歌恐驚梁上塵衡門掩仲蔚庶用存吾真

飽食無一事一日復一夕倚門望圓穹白雲在空碧來  
鴻與去燕歲晚各有適英英黃金花粲粲好顏色采擷  
貴及時霜露已盈積掩門還獨坐浩然懷往昔惟有故  
鄉夢可以慰岑寂

兩息殘暑退涼氣何淒而羈人倦遙夜明月光在帷展  
轉不成寐披衣步前墀春芳不再穠夕露空華滋泯默  
對青鐙悵焉心自思

薄雲散高風天色青如染盈庭露輝々當窓星皎皎寒  
來愛蘭釭暑往却筠簟憂思浩無際起坐數更點晦明  
相代謝避盈乃無歉未嘗陟正門誰識行路險賈害豈  
無因戒之在懷琬冥豫何可長用之以自檢

題謝臯羽傳後

阮籍哭窮途墨翟哭素絲賈誼上書期寤主下和抱玉  
無人知人生有情不可塞謝生慟哭非狂疾神奔鬼道  
天地革龍魚貓虎三辰黑黼裳玄衮換禮衣提鳴鳧歌

滿中國生也何辜逢此時有才不用空男兒伯益立墮  
管仲沒孤根弱植誰扶持既不能學申胥頓首血沾臆  
却吳再建荆社稷又不能學鄒衍長號徹帝闕飛霜六  
月淒燕山空將淚灑荒岡雨添作秋濤撼江浦君不見  
杞梁之妻善哭夫哭得城崩又向補夜猿叫罷天晦冥  
哭聲搖動虛危星瀟湘竹死鳳凰去但見白波連洞庭  
嗚呼此士今安在金石可銷心不改應將魂魄化精衛  
銜取南山填北海

秋感二首

老病偏多感宵長晝亦長衣冠方謝暑枕席已驚涼往  
事鏘心在新知過眼忘籬邊舊我菊歲晚為誰黃



日白天青木葉凋雲山漫漫故鄉遙石床墜露珠光動  
碧砌幽花五色銷十載故人俱土壤五更歸夢負漁樵  
懷來憶往成惆悵蔓草羈蟲對寂寥

悼廢圃殘菊

舊菊將蕪尚有根高秋相顧耿無言芳心不共青莎死  
生慙猶欺白露繁要待靈均餐落盡從教元亮耻空尊  
何人解識淒涼意分付寒蟬仔細論

雜詩七首

趙女工妙舞秦娥善清聲同入楚王宮各擅傾城名宵  
陪綺席宴夙侍金輿行常恐他人至得寵分恩榮涕泣  
奉顏色冷態隨風生願為松栢枝莫作日及英開蕊不

結實坐傷秋露零

白露出草根顆顆如明珠黃華炫金錢亦復盈堦除閑  
居無尤物翫之聊可娛衡門不必高此非衆所須但恐  
成蒼葢千載令人吁

服力徇穡事矻矻望有秋凌晨荷鋤出日入且未休中  
夜看星辰早潦切所憂西成告豐歲珠璣滿田疇飽食  
辛可期喜色欲盈眸寧知霜雪早零落不得收荒畦委  
滯穗撞籬掛空篝斜陽照白髮短褐還飯牛天命固如  
此汲汲復何求

季世罕上壽百歲為長年軒皇不可見顏冉復誰憐安  
期乘彩虹羨門駕紫烟朝游蓬萊島夕宿曾城顛常恐



聲風枝摧折滄海田徒令驪山客想望稱神仙  
月明棲鳥動月暗棲鳥定芳華潛枳枸大眼掛宵鏡皇  
天生萬物一物界一性遂令蓋壤間擾擾事爭競喧  
窮日夕豈不愚天聽化工雖云巧為法祇自病沉思  
人嗟欲問誰與應

蒼蒼山上松濯濯庭前柳亭亭拂雲起矯矯含風久佳  
人皎如玉曠世難為偶長歌繼以歎去鳥盡回首昔為  
瑤草華今為蠹餘粗棄置勿復道華容不如醜  
速成非良器驟得難久好桃李望春舒亦復迎秋稿薜  
英耀朝日未夕委蔓草飢農種植未自慶得食早歲暮  
寒凜冽衡門淨如掃瀛洲對方壺弱水為池沼不有干

年花安得如瓜棗徐市駕樓船輕帆迅如鳥仙人尚可  
見常恐三光老寄書附文鯨碧雲空縹緲

舊在杭時為冷起敬賦泉石歌亂後失之今起  
敬為協律郎邀予寫舊作已忘而記其起三句  
因更足之

君不見吳山削成三百尺上有流泉發蒼石冷卿以之  
調七絃龍岫陰風動天初聞滄々響林莽悄若玄霄鬼  
神語玲然穿岷達函谷竽籟颺々振喬木永懷帝子來  
瀟湘瑤環瓊珮千鳴璫女夷鼓歌交甫舞月上九疑啼  
鳳凰還思媯皇補穹碧排挾銀河通積石咸池瀉浪入  
重溟玉井冰嘶相戛擊三門既鑿龍池高三十六鱗騰

夜濤豐隆咆哮震威怒鯨魚捷尾駕蒲牢倏然神怪歸  
寂寞殷之餘音在寒廓鮫人淵客起相顧江白山青煙  
漠漠伯牙骨朽今幾年叔夜廣陵無續絃絕倫之藝不  
常有得心應手非人傳憶昔識子時西州正繁華箏笛  
沸晨莫兜離傑休爭誇詩子獨倘伴泉石裏長日松陰  
淨書几取琴為我彈一曲似拘滄浪洗塵耳否徃泰夾  
逢 聖明有虞製作超莖英和聲協律子能事罔伴夔  
摯專其名

雪鶴篇贈詹同文

有鶴有鶴丁令威碧玉為骨玄霜衣曾城十二身所依  
千年伐毛一度歸洗髓織女黃姑砥瑤臺雪花大十圍

食之神爽肉不肥乘風振羽芳菲丹砂結頂輝有輝  
咳唾璣錯生珠瑛朝遊明星夕大颺騰光躡景超巍  
騰六駮乘虹蜺駢蓋宮仙娥項帝妃鎔雲鍊雨成瓊歲  
眩晃晝奪扶桑輝離眸閃爍不可睇回焱擬翼縞旂  
白虎轂蘇良厥腓寫鷓鴣鸚鵡鸞鸞鸛鶴鵲鷲與鶴  
局促縮胸潛踞崎惟有皓鶴從之飛竦翮夜過東皇畿  
玲瓏琪樹戛金微若然長鳴驚海圻海波噴作煙霧霏  
馬銜罔象蹲若鞮鯨鯨夭矯相嗟唏銀河腹堅膠蜃豨  
王母桃花凍不緋五色石裂女媧謫祝融上訴開九扉  
帝命養之青鎖闈賜以沆瀣憐其饑朝暮朝太微  
翅翎披拂天香馥北斗粲爛星依稀翠輶抱日露未晞



圓肱脩趾逸且頽、蹈舞霍以揮散仙引領空相希  
嗟哉清峻天下稀勿歎遼東城郭非桂華宵淫甘露澁  
味美遠勝商山薇嶺英為羞堪咀噉比之琅玕亦庶幾  
盤空硬語去脂韋歌以贈君君莫譏

秋夜聽冷協律彈琴分韻得夜字

秋清衆籟寂華月耿遙夜玉琴奏瑤席逸響發高榭微  
微風入林稍、泉出罅、黃鳥春嚶、玄蟬夏啣憂  
北鄙語赫怒而楚吒初疑廣寒府和鑿起仙駕忽驚龍  
騰霄雷電劈太華淒涼漢宮女萬里異國嫁逍遙商山  
老芝歌意閑暇斯頽變暄涼要妙奪造化終焉返溥朴  
瑚璉在縑藉鄭衛失其淫儀秦失其詐虎狼失其攫鳥

爲失其嚇大音信希聲餘美甘如蔗持此滌塵心永與  
箏笛謝

青羅山房歌寄宋景濂

若有人兮乃在大江之南淞河之東連山拮據瀛海上  
上與河鼓天津通憶昔四女下天來遺髮墮髭根雁鴻  
仙華傑出家性異望之如雲浮太空欽峯列崑巒齧不  
可上蒼蔚雜樹昏腫龍虎龍咆號猿鶴叫山鬼呵歛生  
悲風嗟哉若人兮胡為乎其中梁檀栲兮柱桂楓結青  
蘿兮以旃幪不翦不伐兮不盥以攻晨嵐暮藹滴晴雨  
烟條霧葉相蒙龍繆繆兮縲二葦葦兮蓬二繚糾要紹  
兮若蒼龍垂胡降玄穹琴瑟披離兮若翠鸞振迅飛

羣有公集卷六 七  
氈鵬黃和鳴桑扈應髮鬣牙曠之絲桐幽泉發竇鏘玲  
瓏六月赤日收蘊隆陽凌陰蓄春融巖花澗草紛白紅  
有時皇初平清夜騎羊朝帝君瓊蕤羽蓋冰玉珮華月  
閃爍光成虹松吹笙兮竹舞翻影旆旆兮聲淪淪娛目  
悅耳兮樂不可言世間塵土何夢夢山有芝隰有豐石  
鑿二兮水滌二猗若人兮美且充飢食倦息兮可以保  
我躬逍遙兮棲遲又何必訪廣成于崆峒

送葉景龍之通州同知任分韻得勳字

泛泛水上漚颿二空中雲俱為無根蒂搖漾隨網緼北  
風厲玄冥霜雪下紛紛送子涉長道鴈聲不可聞盛年  
復幾何逝川去汙汙朔方沙漠地雜沓駝馬群居庸接

太行華舶所由分陰山茹毛國未嘗識耕耘自古所攘  
斥比之康輿磨汴京矢其馭冠裳倒玄纁否極泰則來  
天生

聖明君揚旗指大荒旄頭落胡氛玉帳萬貔虎爪牙天  
將軍子行勿歎勞襲芳衣必薰

君恩重山岳矧敢負以蚊丈夫有壯志曷問武與文不  
見傅介子盛烈光典墳奉子一盃酒別離安足云時哉  
諒有會勉旃樹功勳

為韓克銘題畫石鼎聯句圖

軒轅道士軒轅孫昔隨飛龍陟崑崙乘騎六氣激乾坤  
上窮混沌無涯門下扶若木扶桑根旋雷舞電訛晨昏



批蹴虎豹號帝閭  
掣擊河鼓牛騰騫  
搗虹霓燁絢澤原  
三足老鳥不敢散  
迷離缺兔駭且奔  
羲和御號訴至尊  
謫降下土營立焚  
結喉長頸古貌存  
如鶴如鷓如龍蛇  
詰屈不作人間言  
涕唾落地生蘭蓀  
驅叱碣石歸河源  
蜚廉屏翳雙挾轡  
擊挾象齒愁育賁  
山玄水蒼琮琬璫  
離羅璫錯輝燦燦  
笙鏞琴瑟篪與塤  
五音翕繹珠瀉盆  
吹為栗烈呵為暄  
扑扶罔象管鼉雷  
饒鰐辟易徒厥屯  
束縛豢魑魍魂秉  
昇赤郭充朝玲妙  
用歛忽無留痕  
嗟哉二子爾曷寃  
如井谷鮒當化鯢  
嚶嚶草蟲呼阜螿  
欲與蟪蛄語涼温  
不知風霆掣墻籬  
江騰海躍喬嶽翻  
鬼物喘汗相濡歎  
爽靈漂搖失所躄  
敞荒夢寐精魄悵

低頭拜伏龍  
論陽春二月花滿園  
掩閑濁坐辭  
諄諄  
故園索意聊滌煩  
羨君軒轅之後昆  
浩歌一曲期勿謾  
送姚伯淵之清溪河泊所任

清溪之水通秋浦  
石白水清魚可數  
鯨鱗鱗魚與鱖  
小魚如鍼大如杵  
侵晨漁艇浮空來  
千天撒網雲煙回  
鳴榔擊楫聲如雷  
水怪駭啄誅宮開  
課魚使者矢魚急  
馮夷嘯啼龍母泣  
琴高亦鯉縱有神  
何暇超騰作人立  
吾觀大江之中有  
壯魚名曰海豬頭  
如猪群行九十其  
朋徒歎沫成雨  
倏欬盲風俱推陽  
仙人上天去已久  
平地波濤隨處有  
春淵潛鱗陟負冰  
時哉罔俾虞人後  
小魚瑣碎獺所指  
大魚多有稭自煎  
君不見振振鷺白如

玉沙頭見魚飢不啄一朝飛上瑤華池紫鷓黃鸝相追  
隨俯視禿鶴垂六羽還野鳥爭腐鼠

旅夜 四首

月光天上來入戶清如水游子忽思家披衣中夜起徙  
倚步回廊烏啼夜未央欲飛無羽翼零淚濕衣裳  
昨夜起觀星月在楊枝上今宵不見月星影空搖漾羽蟲  
飛拂戶銚吐孤火北行立掩衡門愁來獨惆悵  
客愁常突兀今夜燈花生雖知無喜報愁亦暫時平解  
襟成獨寢留鐙待天明喜固不可求客心怕畏愁  
六街馬憧憧鍾響聲暫歇兩星光灼爍中有如眉月既  
見月如眉還看月如鐙月光自有怕人心長不定

有栢一首為吳太常作

太常從善七世祖吳太常以史  
以知史金使向五年不厭下上人不

有栢有栢霜露漙之栢葉不萎霜露何其 有栢有栢

維葉冥冥歲暮堅冰不渝其貞莽彼北林維榛維棘玄

雲四湧白日晝匿 有狼有狐有鷓有鳥長彘睢盱潼

駘飯膚 有颶其風鼈捷于溟五精相映江河倒行

蛭矯于雲龍羸于沙哀此下民亦孔之嗟 赤董之金

鑄為子符不刺犀兕孰知其良 以崇之舟泛于廣津

不逞陽侯孰知其神 跋彼周行君子蹟之猗彼綠竹

君子桓之顯允君子邦家之紀克崇厥履施于孫子

嚴嚴君子穆穆其猶載其令德貽厥孫謀

黃華一首送葉師仁省兄還括蒼



皖彼黃花有燁其輝驪駒在路送子于歸 蔚彼柔柔  
猗其條矣心之怛矣維其遼矣 翩翩者馭亦習其羽  
悠悠者途孔脩且阻 執子之手酌子以酒言念言懷  
勞心如糾 子有兄弟維曾維臆嗟我之懷曷云能極  
瞻彼崇阿維雲茫茫之子之往多我慨傷鴻鴈于征載  
號載飛兄弟之遠胡寧不悲 山川迢遞日月逾邁送  
子于歸伴我心瘳

道士周玄初鶴林行

鶴林道士軒轅徒以飈為輪雷為輿開山養鶴作騏驎  
上下二儀周六虛離成洗髓扶桑窟編練羽毛鏐鐵骨  
聲飄碧落玉清揚影拂太微雲成沒永夜月明風滿林

竹栢戛擊笙簫音云是旌陽許縣令躡躡佩劍來相尋  
靡萍而枝搖倒景借去林間兩丹頂伐蛟吐海真玄冥  
斬蜃南訛封浪井上窮列缺旁九圍却過度朔山中歸  
歸來贈我挑樹枝朱衣赤郭手所持令我鞭龍扶虓虎  
攝縛臊魃如奴虜投我堯時松子訣轉晴出電噤成雨  
鍾山秀色連冶城百花練屋風泠泠焚香獨坐誦真誥  
墜露點滴流華星土伯駭奔從號令鶴鳴聞天空谷應  
寥陽寶殿歌步虛向漢嘗憲回斗柄嗟子衰朽雜病攻  
盈顛素髮吹秋蓬空餘硬骨如瘦鶴因子致意浮丘公  
為詹同文題浙江月夜觀潮圖

君不見四時平分成歲功以秋繼夏獨不同炎官挾長

握天柄七月赤日燒玄穹  
奪收抱鉞蹲白水野氣赫赫  
攄頰虹陽侯喘汗河伯矚少昊  
上訴愁天公會須萬物  
長養遂期以仲月虛宵中  
此夜姮娥魄正滿命駕四蟾  
驂兩賊指揮禹強出玄階  
蕩滌故煬清霾蒙河漢發源  
牛斗下曲江上與天津通  
初看一髮起溟微如曳組練  
來於東漸聞殷鑒鼙鼓發  
倏忽萬雷聲撼風天吳掉尾  
出頃津馬銜揚鬣招海童  
霓旌縞帳駑羽博瑤臺十二  
浮空濛濛珠仙人乘玉輅  
騰駕鶴鵠飛氍毹長庚效  
履揆光耀電母扶龍嗥  
曼銅宓妃起舞素女從  
瓊珮絳雲憚懔冰綃霧縠  
紛颯縵霜旂雪播高翳空  
鯨魚呀呷鯀鴈道蒲牢哮  
吼馮夷宮瞿唐巫峽起平地  
漚瀨瀨瀨瀨瀨瀨瀨瀨瀨瀨瀨

塵回鑿先驅已過赤亭嶂  
後從始發龕山洪高聲爽  
浙合群嶽西國凜凜寒欲凍  
先生翫月坐樓上夜氣澄寂  
神和冲澗快執煩暑退呼兒  
命酒澆喙寵自舞自歌  
歌自作月照白髮三千總  
歌聲也颺林壑應竹樹憂擊  
絲與相淵魚躍波接鳥作紫  
桂繞屋清香融君歌曲終  
響未終我歌激烈留征鴻  
程眸相視俱老矣况有衰病  
來交攻

聖明天子御宇宙威惠與天  
相比隆首丘倘許謝鞿絆  
猶有古月光臃臃行當唱和  
三百首永與潮汐流無窮  
送張孟兼之山西按察司僉事任

平明集冠蓋祖帳清江漢天  
縣赫曦日山湧崔嵬雲大



船發中流碧水龍鱗紋宿雨霽初伏川無垢氛備揚  
蒨深綠未忝氣如饋蘆荻響微風鶴鶴鳴相聞市酒雖  
云薄情至心自醺贈詩雖不多芳意同蘭薰文夫樹遠  
業見女徒紛紛農夫務去草稊稗職所耘蒼鷹司鷲擊  
梟鷹憤其分利劔斷犀兕不數雀與鼯筭邊有廟筭樽  
俎茂竒勳巍巍太行山蒼翠浮網緼萬古成華戎峻極  
通天文老羸當道卧氣鬻狼虎群引領望征旆迢迢隔  
河汾營平曜前烈定遠揚後芬制勝在兩楹豈必度三  
軍功成早歸來華袞昭玄纁

病眼作

君不見昔日方相氏黃金為四目精光倏是奪長庚導

者趨風觀者肅一朝竣事歸方司委棄塵埃同朽木我  
生兩眼粗能視要探天根窺地軸論價未止連城壁傳  
聲共推天下獨寧知川譽責合章鬼物由來闕高屋三  
彭上評三虛聞乘時作譽何其速吳回熾炭煎赤汗灑  
注清揚發炎燠赫如巨鱗出淵淪網若錦衣蒙綺縠淚  
漬紅桃葩露開暉昏丹雀披烟宿鷓鴣呼兩荔支垂布  
穀啼山蓬蘂熟雪深太白脰碧鷄霧苦瑤臺落黃鸝自  
分衰年已無幾齊力卒單筋脉縮春榮秋悴兩茫茫柳  
綠花紅非所逐天公若復可憐生乞与寸光分粟菽無  
勞指點某在斯不用南陽潭上菊

秋日即事 十五首

秋風吹雨冷脩脩，墜下金錢爛漫愁。鴻雁不來巢燕去，  
草蟲辛苦獨知秋。

楊柳新栽半出籬，夜深烏鵲自驚枝。露涼月淡空煙暝，  
啼到金鷄報曉時。

九月東風露不寒，蟋蟀相慶語蒼端。野人便擬開荒徑，  
剩種忘憂與合歡。

揉落江皋草滿煙，秋光何處不堪憐。夜涼銀漢低城闕，  
計聽蛩聲似篋絃。

春華秋草兩悠悠，素髮多情却滿頭。落葉自隨流水去，  
遠山空帶夕陽愁。

垂垂客雨柳梢黃，點點秋風菊蕊香。不覺老翁空醉後，  
一川煙水滿斜陽。

爭知今日是重陽

秋氣蕭條宋玉悲，西風唯有雁相宜。秦淮岸上青蘆草，  
想見繁霜未落時。

寒星無數月如鉤，槁葉呼風入敝裘。人世可憐唯有老，  
鏡中憔悴夢中愁。

掛壁青缸照不眠，相看到此亦堪憐。露寒霜重殘螢盡，  
腸斷秋風憶往年。

病眼昏々四顧迷，獨行渾似雪中鷄。花開葉落真成夢，  
愁聽門前過馬蹄。

種華數樹夕陽時，收拾秋光在短籬。自紫自紅還自碧，  
祇應獨有暮蟬知。



滿天星月一庭煙坐掩衡門思悄然漫想明珠成蕙苾  
却嫌黃菊似金錢

疎雨鳴簷月在雲馬蹄初歇夜將分鴈行却向城頭過  
何處砧聲隱隱聞

江上秋高暑未歸照書猶有數螢飛東風可是憐游子不  
遣看天憶授衣

北風吹鴈過蕭蕭旅館青燈共寂寥蓬髮一時成白雪  
老來禁得幾秋宵

戲為雪雞篇寄詹同文

我為先生歌雪鶴逸興翩入寥廓先生為我詠雪誰  
扶桑晝景寒凄迷雪鶴排雲舒六翮長鳴遠逐浮丘伯

玄洲

張兩耳埽人踉蹌走如蟻雪雞欲上蟠桃枝

白光燦眼流瓊鵲騰身蹋折琅玕樹片片琪華振鷗鷺

鶴飛撥刺向遼東海鯨揚波雪半空縞衣離樾丹頂素

九臯月黑猿嗥風雞啼啞夜方永驚起跋鳥怨金井

群仙環珮響玲瓏十二玉樓煙霧冷憶昔康回觸折天

柱時女媧扶天立天維坤維太白作天骨萬古至今長

積雪上有雪蛆大較長如轆冰蛇雪鼠相蟠蜿味如饅

饅色如乳入口清涼生肺腑炎埃蕩滌邪穢除幽精爽

靈游六虛鶴也莫與烏鴉爭腐鼠雞也莫向溝塍拾禾

黍雪寒可畏清可欲洗髓伐毛天所玉雪可嚙兮冰可

餐誰其作友三青鸞

茗溪皇甫秀才幽居二首

玄晏先生一草廬萬竿脩竹五車書日高無客來驚夢  
自謂公侯惣不如

天目山前茗水流野華<sub>一作</sub>鳥自春秋滄浪清濁吾何預  
坐聽松風笑許由

贈杜安道

憶昔天兵伐荆楚舳艫蔽江齊萬櫓聲激烈似雷霆  
猛氣忽然震龜虎拔柵皖城猶俯拾探穴九江無險阻  
明年大戰康郎下日月塊北相吞吐馮夷鬪浪群水飛  
巨鼇掉首三山舞雲隨太乙擁鋒旗鼉為豐隆<sub>一作</sub>靈鼓  
將軍金甲箭攢峭戰士鐵衣汗流雨火龍燄<sub>一作</sub>終天潤

燧象<sub>一作</sub>煙煎地府鯨鯢既翦撓槍落草木熙陽魚出盆  
當時從臣皆俊良近侍共推徐與杜或操陳子之刀鐔  
或負伊公之鼎俎艱難出入矢石下勒躬盡力無摧阻  
夙興夜寐事

一人小心不貳

帝臨女只今四海同車軌葑菲固遺遵往古瓊瑤赤蒂  
遑鷁行鞍馬祿食光門戶天雞一聲金闕啓 龍顏有  
喜常先覩顧我愚踈憂患集病骨峻嶒蒸溽暑興來懷  
舊倚長歌星星兩鬢絲千縷

詩

連江陳子晟師古齊詩三首



祥麟踏雪敷王道遂湮淪秦坑扇灰地六籍失其真茫  
茫穹壤間談舌紛紛囹圄鴟指為鸞杞梓斯為薪所以  
尚志士慷慨思古人造行擬淵騫吐辭追孟荀不羨李  
氏富而甘原憲貧不榮桃李容而效西施顰臨川說清  
澗味道劇淳珍誰云泰岱高布武期臻誰謂江漢水利  
涉由通津有為亦若是此語非徒申衛武陳抑戒睿聖  
垂芳名呂公著丹書君臣同顯榮伯玉願寡過使者知  
其情柳惠志直道身匱德乃盈古人如良金百煉彌剛  
貞悠悠萬載下日月同昭明聖人有遺訓可畏在後生  
服膺慎勿替竊比於老彭

西風振枯柯涼月澹光景門前馬蹄歇室虛心獨靜焚  
香對六籍香味知雋永懷人若在眼酌際何必洞尼父  
訓九思子輿明三省康莊無他岐車馬日馳騁捷徑善  
推輪此意當默領

贈欽天監夏官章季明季明衡州龍游人所居地名東觀

靈峰勝跡不可求東觀後人知九疇神仙上天風自送  
樵子下山龍出游渾天玉局木客護太乙寶書金匱收  
巫咸杳冥何處問早晚泛槎窺斗牛

題水墨海棠鸚鵡

隴山鸚鵡白霓衣欲語誰聽只自知漫、東風吹不起  
海棠花上立多時

寄贈懷渭上人

老僧懷渭字清遠曾蟠文史三千卷雪晴太白玉為峰  
月出藍田金作瑕少年揆策走四方要看蓬萊水清淺  
燕山帝京龍象會璿臺寶林發閃鑿橫空鷗鷺撒高秋  
縱轡驪駒逸長暇龐眉老宿皆震驚觀者解頤陪者赧  
奎章孝士虞邵菴喏喏稱誇枯舌本連床笑語到晨雞  
走筆贈言何款悃轉頭霜兩四十年萬事茫茫不堪付  
江湖皴浪客舟寒地爐宿火僧房煖我來邂逅一見之  
憶曾相識嗟成謖世士如公良所希方外只今還有限  
我如野馬貫藪澤絡以羈鞅知必蹶老來耗毫百事遠  
况俾三廬宅愁眼甚欲歸依白蓮宇其奈素餐非力墜  
寄言聊復寫中懷白石清泉猶未晚

為張生題趙仲穆畫馬

天廐之馬高且肥王孫貌出真權奇杜陵寒儒怕苦飢  
枉使韓幹遭詭咄渥洼天馬龍象力朝發太蒙暮西極  
豆芻五石充一食力由食生非外得地黃首蒲美如飴  
嚙以甘泉清肺脾神完氣定叱止時素餐立仗馬耻之  
高風吹鴈酸棗紅狼烟夜半通回中為君長鳴起子公  
斬取郵支歸獻明光宮

題李息齋墨竹

李侯貌出蒼筤竹葉上湘妃淚未乾烟雨畫迷丹鸞驚  
霜風秋勁碧琅玕脩莖擬截伶倫管和氣潛驅嶰谷寒  
此意祇令誰賞識高堂素壁靜時看



送陳子晟省親歸連江

連江此去三千里，綵服趨庭及早春。  
閩嶺白雲迎馬首，建溪碧水喚龍鱗。  
題橋免頽留南徼，戀闕丹心照北辰。  
鶴髮正須三釜養，鳳城雨露四時新。

送黃生 泣祀福建

九重發政懷川嶽，使者承宣下紫宸。  
玉璫黃流敷帝澤，碧雞金馬出坤珍。  
風清五嶺烟霞肅，春到三山雨露勻。  
歸路武夷溪九曲，棠梨花映綠楊津。

春夜一首

春夜迢迢微風不興，六合無氛銀河欲冰。  
月流素波星回玉繩，孤坐不寐憂思相仍。  
壯年已謝昔非莫懲，如彼

老馬心念超騰，道路崎嶇勸不可能。  
俯撥紅爐仰剔青燈，欲與晤語誰其我應。

青陽一首

青陽椒載白日孔昭，草生于野華發于條。  
隨氣成形或蘗或翹，瞻瞻興懷中心飄搖。  
麥有雉雉藻有魚跳，嚶鳴在樹磬管簫韶。  
駕言出游以猶以陶，瞻不可翳籜不可夭。  
自非松柏不能後彫，來者弗畏往者其消。

乙卯歲首早朝

奉天殿東翰林

大本堂諸友

枝上鳴嚶報早春，御溝波澹碧龍鱗。  
旂常影動千官肅，環珮聲來萬國賓。  
若乳露從霄漢落，非煙雲抱翠華

新從臣才俊俱揚馬白首無能媿老身

元夜

玉漏遲遲出苑牆星河疎淡月輝煌送寒梅藥清香細  
報喜燈花紫燄光金闕曉霞來若木瑤池春色滿長揚  
君王注意防驕佚萬歲千秋樂未央

送李叔允脩撰致仕歸釣州

憶昔西京祖二疎都門供帳羅長衢金張許史集軒蓋  
彈琴鼓瑟吹笙竽頰頰鶴髮映霄漢蒼松翠柏紅珊瑚  
道傍觀者皆慨歎此士足為天下模先生曾蟠五車書  
雍容進退安且徐披香朝侍紫宸案珥筆書入  
承明廬引經論奏動

天聽

天語親授非臚句老年謝事歸里閭 召見特許兒童

扶

臨軒

賜膳侑金幣尚食供奉黃門趨夜來微雨

清郊墟紉黃漚柳鶯相呼風吹暖烟逗白日露濕芳草  
留驅駒雖無旨酒嘉穀蔬短歌一曲聊踟躕浮雲流水  
無根蒂人生何者為驪虞嵩高少室衆美與素石如玉  
泉如酥時清四野樂耕稼雉鳴麥秀千華敷親朋會合  
各慰意况有令子知勞劬揮金買酒沫  
聖澤怡情之外吾何須西飛鴻鴈東飛魚相思迢迢天  
一隅贈言有盡意不盡努力善保千金軀

春日一首送吳浩成文之饒州府通判任



春日載陽鳥鳴于乘與子為別思心洋洋 人生幾何  
憂念苦多仰睇浮雲俯視逝波 有殺在邊有酒在觴  
無日不腆物鮮意長 物類有為飛鳴戾天企賢則善  
企聖斯賢 古人有言之者 勿克敬勿懈何適不臻  
古人有言顧畏民器終始在患生不監 駕彼四牡  
言陟太行羊腸不償微在唐莊 感以情生憂由愛甚  
有酒在尊云胡不飲 春日照之芳草萋萋與子為別  
胡寧不悲歡言悅耳是謂疾疾君子虞之如矢如刃  
忠言諤諤是謂藥者君子好之如金如璧 相彼川水  
孔淵其澄風以撓之黃濁山騰 有蘭有蘭在彼幽畎  
無日不顯其芳維遠 春日遲遲鳥鳴喑喑與子為別

胡寧不懷

送陳庭學之成都衛照磨任

君不見岷山導江戒南紀噴雨虛雲九千里瞿唐劍閣  
鍵重閔錦城花繞成都市雄藩作屏鎮羌夷列郡五十  
瓜牙之長夏雪山連太白玄冬熱海蒸坤維

聖皇握符御宸極煙塵不起鯨波息鳳凰麒麟在郊藪  
州后嶽靈俱效職籌邊樓上羅俊良况子敏學年方將  
將軍幕府曾試用驛驢熟路宜騰驤大舫揚帆沂江水  
東風漫漫吹蘭芷綠衣鶴髮對晨昏有酒盈尊甘且旨  
吾聞岨峽上與井絡通風氣隔關華與戎九夷八蠻濡  
帝澤廟堂已得攻心策

題李太白觀瀑圖

憶昔李謫仙泛舟彭湖東遂登廬山頂直上香爐峯遙  
望瀑布水自天垂白虹大聲回九地浮光散虛空萬木  
震辟易十崖殷鍾鏞清涼入肌骨如歸廣寒宮賦詩留  
人間至今響泯泯丹青極慕寫欲弋玄造功逸駕不可  
追舉頭睇飛鴻倚歌無人和引袖乘長風

劉宗文萊窩遣興

歲暮寒氣冽今晨頗和緩登高眺原陸陡覺生意滿日  
色照地黃牆影漸短草抽識土膏魚出知泉暖吾生  
亦天物安得不樂術且復擷其蔬獨酌慰衰晚

新春

昨夜東風來吹我庭前柳柳芽黃未全草根青已有鵝  
鳩屋上鳴勸我嘗春酒我髮日已白我顏日已醜開樽  
聊怡情誰能計身後

送李德大之文登稅務官任

有客有客駕言遠行天路脩廣鴻鴈冥冥淒風吹衣白  
日滿庭有酒在樽可以怡情云胡不飲使我心憚歌以  
侑之百榼具并

茫茫者麥在彼原隰悠悠行人既舟既楫海邦孔遐雲  
霧厭渴勿謂政難克敬則立勿謂俗殊克誠則輯贈言  
不多聖企斯及

送醫戴原禮歸金華



岩岩金華山上屬龜六星紆餘帶江海窈窕儲仙靈陰  
谷泉夏冽陽崖草冬榮帝女降清夜龍鸞夾雲輶旭昱  
五色光天葩播芳馨初平剽元氣騎羊遊玉京宗公秉  
節鉞稜威愴邊庭呂子傳聖學出彛樊六經陳生挾英  
才雄辯推五兵至今彥士綿二君連城子兮抱奇術為  
人駐危齡運鉞號二豎煮齊泣三彭歲晚趣歸裝日照  
千山明澗阿多石芝玉色味如飴可以實肌腸化骨為  
瓊瓊或可分餉否相從朝紫清

松陽周處士冰壺歌

冰壺者恬蒼周處士之所以自號也夫冰太陽寒水之  
凝而壺者器也水凝為冰至柔而變為剛天下之剛莫

尚焉壺之貴者以玉為之雖粟而冰乎其腹僕初畏之  
於是乎歌以詠焉歌曰

陰風吹空寒凜冽玉壺夜半玄冰結十二樓中瑣翠  
太微宮裏懸明月明月流光照玉壺珠飛上天滄海  
青女鍊霜封貝闥蓬人煇犀龍泣血銀河凌斷膠北斗  
五色石裂媧皇走相看一笑天茫然回首人間三萬年

雞鳴一首贈宗文姪

雞鳴朝暉草露未晞巢鳥載飛雞鳴夕陰草露淋漓  
鳥歸于林雞鳴匪司時鳥舉匪有期氓之蚩蚩蓋亦  
何思朝露白如玉我不敢躅恐濕我足夕露光如珠  
我不敢踰恐濕我裾誰謂河弗廣可航可蕩風波無

期不如勿往 誰謂林弗幽可邀可游射虎無虞不如  
勿由 中田有禾園有樹麻發石有泉可以為家 中  
田有麥園有樹棧采山有蔬可以為宅

送金華何生還鄉觀省 五首

金華山色翠亭亭曾駐仙人白玉軒羨汝結廬松栢裏  
卧看鸞鶴下青冥

尚想高人何北山談經論道此山間故家文物依然在  
似汝須歸玉笥班

漫漫東風吹綠蘂行人江上發歸軒想應今在赤山門  
華髮蕭蕭正倚門

樓外桃花紅錦披當花把酒喚春歸

花洗面時

送兒出去望兒歸看盡雛鴉弄夕暉清池開門與  
蝴蝶飛上老萊衣

正月十五夜燈花大開作歌

燈花如管紅且綠燈花有意幽獨夜寒衾冷漏聲  
卧看瓊枝綻金粟涼蟾入戶四壁空地爐宿火天無風  
祥煙抱日展碧落驪龍吐珠歌紫虹人言此花專報喜  
勞生短髮絲垂耳无望之福非所希無事惱懷吾足矣  
呼童添油引良夜九衢燈月光相射漫沽濁酒餉離魂  
豈必忘憂惟樹萱

送胡生之定遠教諭任 為陶中立參政作



青陽獻嘉歲萬物生華安柔柔萬綠英新柳揚黃紫祖  
帳送行人大舶艤江湄管絃發清音甘醴溢瓊卮歡情  
既已暢繼繼申以詩丈夫生世間出身事 明時有材  
必有用譬彼桐與椅絏之朱絲絃彈以格神祇一奏獸  
率舞再奏鳳來儀校官職敷教位小任匪卑棟梁自句  
芒神霄起陂池仕學猶兩翅對舉不可遺努力慎保愛  
勲名以為期

送駱起原之新城知縣任

憶在越之城與子共翱翔子實才俊士舉止安且詳温  
如春雪春日照瑇瑁一別二十年塵沙改玄苦  
拉梧桐樹根根有管浮雲變白雲在天一

相逢悲喜交肺腸故情豈不懷 王事不敢違倏歛獲  
為別安得不慨慷西江富文彥其俗淳以良念我別來  
久愴恨增感傷英英江梅花皎皎晞晴陽折以贈子行  
侑之以短章菅草亦已生鶴髮在高堂在鴻漸于達擢  
翻陵八荒行將儀大廷鸞鳳參頡頏陟遐必自邇永矣  
莫相忘

維澤有蒲一首

維澤有蒲為陳生思禮作也陳生生七歲而父沒母石  
氏教育之甫成人而母又沒生哀痛不能勝輒發狂欲  
自盡者四五家人守救之獲免翰林學士金華宋先生  
為叙其事予聞而深悼焉因賦詩代言其情雖不足以

附蒙義之後亦聊以見天理之在人心昭昭乎不泯也  
嗚呼悲矣

維澤有痛其葉濡濡誰無父母恫我獨孤昊天不矜鮮  
民卒痛我罪實訂父母何辜人有父母如日如月煦  
之昭之弗隕弗越人有父母如玄如黃覆之載之不遐  
有傷陟被崇丘言采其葛望父不見憂心如割陟彼  
重阜于以望母不見母兮憂心如灸相彼虎雉亦各  
有從矧伊人矣惟此鞠凶題彼中林爰有哺鳥恫我人  
斯云何其瘠父兮見兒孩咲咿之晨與未炊早念其  
飢母子見兒孩咲歡歡草蟲宵鳴早念其寒既暮既  
晷線衣有萊父攜母將如琬如琰出則睹之入則撫之

行惟枉式趨負之中國有橘離離其實人無父母  
曷其有卒中園有梨其實離之人無父而生也何為  
川水東流蒼天悠悠恫我鮮民不知其九空山冥冥離  
禽夜鳴恫我鮮民曷為其生

遣興

春至日色好白水生青烟江梅已堪折園柳亦可憐鳥  
鳴山芳菲魚躍波潏漣人生覆載間與物共推遷守分  
絕外求何者為憂煎但願有酒飲無事驚晝眠即此是  
至樂安用松喬年

春雨三絕句

春雨和風細細來園林取次發枯萎古墻芳草無生處



一滴還成一點苔  
翠麥黃花爛漫春蒼顏皓首別離人相看一咲渾成夢  
又見汀洲老白蘋  
一雨如膏五日泥長烟不散草萋萋殷勤分付墻邊柳  
為挽流管自在啼

潛溪圖歌為宋景濂賦

金華山水天下希潛溪龍門尤絕竒群峰峻極河漢上  
一峯獨立芙蓉披先生結廬在其下文追班揚兼賈馬  
遂令此山增壯觀野有樸樾皆梧檟上清道士方方壺  
乘輿為作潛溪圖丹崖翠麓神仙居東望日出樹如蘇  
溪流穿村還度谷十里一達五里伏龍湫吐景生白虹

藤蘿振雨松呼風却憶往時清夜月帝女乘雲下天關  
鍾鏞鏗鎗蕭鼓發霓裳羽衣飄滅沒初平騎羊前啓行  
長髯鬚髮飛玉霜秦娥吹笙玄鶴舞牽牛河鼓凝寒芒  
相思迢迢頻入夢駕兩鸞從一鳳覺來毛髮猶爽淅  
目送征鴻度空碧山有蘆水有魚幽澗有泉清可斟何  
時上疏乞骸骨寄聲先遣雙親鳧

將曉

月落牕餘白練光滿天清露結為霜東風可是無情思  
吹出新楊一樹黃

有泉在山一首

有泉在山爰注為壑膏火自煎一室之燭蔚彼茂林有

檀有松有梓有桐可以為車可以為宮 有泉在山爰  
注為淵膏火之燭維以自煎蔚彼茂林有柞有栲有檟  
有櫟可以為薪可以為杙

東園之柳一首

東園之柳萋其黃矣瞻彼白日煥其陽矣睠々懷思曷  
其長矣 東園之柳萋其青矣瞻彼白日煥其明矣睠  
睠懷思曷其平矣 東園之柳卉々其華悠々行人玄  
髮卒華瞻彼白日維懷永嗟 黃鶯于飛喈喈其音悽  
悽行人悠々其心瞻彼白日維懷永吟

雙鯉堂詩為唐侍儀賦

君不見魯陽揮戈回白日又不見耿恭拜井飛泉出精

誠自古格皇天如響應聲非異術長江鯉魚龍伯臣三  
十六鱗紅錦勺枕丁尾丙宮淵淪乘駕潮汐扶桑津天  
憐孝子孝不匱特勅水官宣德意玄冰罐出雙赤鯉頃  
刻寒谷生春溫之子高堂髮如絮每懷古人心是慕中  
庭鑿池專種魚魚行圍々隨陶朱晨昏膳羞不遠索翠  
韭金橙鱸肥白中婦奉養丘婦進大兒登歌小兒拍合  
歡花開庭草芳忘憂花開池水光凌晨上馬出門去彩  
袖披拂金爐香薄暮言歸拜堂祀何況有魚甘且旨忠  
孝由来同一軌努力揚名煥青史

春日雜興八首

采石磯頭春水平長干橋下暮潮生誰能載酒尋芳草



楊柳堤邊信馬行

過雨柔桑綻綬新  
涵風細麥碧波勻  
鳴鳩語燕聲相應  
又是人間一度春

春霧冥冥木葉稠  
蒼鷹拂羽化為鳩  
莫將松桂夸桃李  
柱下先生早白頭

日白西馳水自東  
落花飛絮捲隨風  
舊巢燕子今何處  
烟雨庭臺似夢中

花競嬌嬌草競芳  
縱橫只是為春忙  
夭桃穠李先飄落  
不及薔薇與海棠

細雨其書掩扉更無芳草  
有垣衣人生一世邯鄲夢  
老病無眠夢亦稀

雨隱滄江霧隱山  
鄉閔迢遞寄書難  
病來只盼春風到  
不擬春風曉更寒

日出江空曉氣柔  
白蘋風起渚烟收  
夜來一餉三更雨  
送盡飛花入海流

送黃巖林生伯雲還鄉觀省

生兒須男不須女  
二十辭家事

明主由來卿相出  
白屋志士寧甘守  
環堵天上黉宮古  
庠序濟二衣冠鷁鷺羽  
學業湏兼文與武  
濟川期舟旱  
期雨懸髻看書困  
不眠劬心問道飢  
忘咀朝來忽覩林  
間鴉雛飛哺母聲啞啞  
慨想高堂缺溫清  
稽首

閭動

天

天聽春烟蒼茫春樹綠水煖芹芽白如玉扁舟蕩漾駛  
歸風綵服飄揚炫晴旭盈門弱柳鶯黃絲鶯鳴如絃花  
滿枝開門見兒喜不定問言執手仍牽衣牽衣上堂拜  
嘉慶籩豆既具殺且時兒前勸酒還蹈舞親戚滿筵謹  
咲語朱顏婉婉映青松鶴髮嬋娟照芳醕為子歌一曲  
送子江之湄到家早來旋勿為兒女慈人生有親樂莫  
樂况乃

君恩重山岳讀書不可迂檢身不可踈勸子慎勿學世  
儒禦言耻行名為愚君不見良金鑄為器鼎鼐身能干  
將利才全德脩稱大賢執國榮親兩無愧

感春 六首

種桃望食實種柳期成陰春風應時至雜英滿園林黃  
鳥多嘉聲鳴鳩亦好音勿言荏苒質不如松與楩託根  
信求固豈之歲寒心

孤坐不自適興言出行游凱風吹衣袂白日光悠悠來  
年秀彌野荷芰葉已抽行游豈不好顧盼無與俦回身  
掩門坐隱几聞鳴鳩

日暮東風起滄江水微波水深不可涉路遠將奈何蘼  
蕪葉已齊故鄉隔山河歲年難再得芳意其蹉跎

朝采山上薇暮采澗底薇雖無梁肉味聊可以御飢羔  
羊薦美酒飽食同參犧玄廬苟未閉彼此誰是非

春風既和柔春日更皎潔天桃紅如錦繁李白勝雪黃



蜂與紫蝶亦各競時節人生有憂樂譬彼天上月願言  
良其背無使心自蕪  
人生多憂患死去百患消但恨不使得無由脫鞵鑣浮  
榮衆所貴何異掠草焱一生與一死一夕復一朝周器  
息盈滿老子戒矜驕園林無恒芳江海有回潮委心從  
大化庶幾永逍遙

枯樹畱歌

道傍古樹身半枯白蟻穴根蟲穴膚風摧雨撼霜雪凍  
斷石詭僝無人扶憶昔勾芒肇初政百卉騰達隨呵噓  
新柯荏苒舊柯壯霧露膏沐光如濡黃鸝翡翠語嬌滑  
葉尾戴勝鳴相呼白鶴來巢廡止蔭匠石愕睨幸歎譽  
寧知憂患生旦夕野火倏忽起不虞燎原烈焰難嚮避  
孰問柞櫟杉與楮枝燔葉燼根半赤朽腐瞞液非時須  
山林搖落歲方晏聊以薜荔為衣袂嗚呼廣廈棟梁具  
委棄草莽同新蕪 皇天未必替生意更盼玉燭回賜  
鳥

追興

萋萋芳草掩重門幾樹斜陽照斷魂坐愛微風起蘋末  
月明簷鐸無黃昏

即事

春半餘寒 春秋掩門高坐日悠々樹頭獨立知風鵲  
屋角雙鳴喚兩鳩芳意自隨流水逝華年不為老人留

浮花冷葉休相咲自古英賢捲一漚

遣興

江上潮來風捲一城頭  
畢逋烏尾訛燕泥半濕昨夜雨  
蛛網忽黏何處花  
坐日月自閑暇出門岐路空交加  
漫將白髮對芳華自送去鴻天一涯

誠意伯劉先生文集犁眉公集卷之十六終

